

6
DE
NDOLE HALLUCINATIONUM
IN MANIA RELIGIOSA.

DISSERTATIO
AUGURALIS PSYCHIATRICA
QUAM
CONSENSU ET AUCTORITATE
GRATIOSI MEDICORUM ORDINIS
IN
ALMA LITERARUM UNIVERSITATE
FRIDERICA GUILIELMA
UT SUMMI
MEDICINA ET CHIRURGIA HONORES
RITE SIBI CONCEDANTUR
DIE XXII. M. MARTII MDCCCXLIV.

H. L. Q. S.

PUBLICAE DEFENDET

RUDOLPHUS LEUBUSCHER

VRATISLAVIENSIS.

OPPONENTIBUS:

OS. SAMOSTZ, MED. DR. MED. PRACT.
UD. FRIEDLÄNDER, REFERENDAR. REG.
MAX. WOCKE, MED. ET CHIR. DR.

C
BEROLINI
TYPIS F. SITTENFELD JUN.

V I R O

ELEBERRIMO, DOCTISSIMO, HUMANISSIMO

C. G. IDELER

**MEDICINAE ET CHIRURGIAE DOCTORI, PROFESSORI MED.
PUBLICO-EXTRAORDINARIO IN UNIVERSITATE LITERARIA
PRUSSICA GUILELMA, MODERATORI CLINICES PSYCHIA-
TRICAE, DIRECTORI SECTIONIS MENTE AEGROTANTIUM
IN NOSOCOMIO CARITATIS BEROLINENSI, COMPLURIUM
AC SOCIETATUM LITERARIARUM SODALI, ETC. ETC.**

**PRAECEPTORI AC FAUTORI SUMMOPERE
COLENDO**

H A S C E

S T U D I O R U M P R I M I T I A S

D. D. D.

AUCTOR

PROOEMIUM.

Argumentum, quod explicandum mihi proposui, jam
r se sat copiosum, ob eam praecipue causam difficile
hi visum, quod ad multas cogitationes animum allicit,
ae, quamvis ad argumentum illud omnino quadrent,
nen vere ad thema ipsum non pertinent. Jam per
adolescenti praesertim difficile, cogitationes animum-
e lubenter semper usque ad extremos rerum fines
gantem certis septum tenere finibus. Quod vitium
in hocce commentariolo vitarem, summam dedi ope-
i, quare jam metuo, ne errorem contrarium commi-
im, res graves, quas copiosius exponerem necesse
rit, levius tractans. Postremo vero a lectoribus be-
volis peto, ut de indole visionum, de ratione, qua
lucinationes in mania religiosa oriantur, neque de
lucinationibus in universum neque de mania religiosa
ba facere me voluisse, considerent. Ceterum casus
tos ipse in nosocomio caritatis observavi, quod benevo-
tia Cel. Ideler, praeceptoris dilectissimi, mihi con-
t.

Der Wahnsinn, wenn er epidemisch
wird, bekommt den Namen der
Vernunft. Fr. Jacobi.

CAP. I.

DE MANIA RELIGIOSA. *)

Maniacus quispiam eroticus, ambitiosus, quamvis suam opinionem insanam summo complectens ardore, vere quoque videntem illum imaginatione procreatum intueri optatumque pisci valde cupiat, tamen rebus externis minus prospiciens, tantum omnia adrogat, et quum raro ejus exemplum alios homines ad maniam concitet, cum ejus morte opiniones insane simul sunt extinctae. Mania vero religiosa manans serpsitque per gentes, animis populorum venenum instillans, tanta facta est scelerum immanium, quibus historia abundat. Religio hominis summum bonum; quae si integra et pura conservatur, ad flagitia non impellit; ii igitur homines, qui religiosi se esse praedicantes, tamen facinora commiserunt horrenda, plurimum alienatione mentis correpti fuerunt. Jam me non fugit, quam sit difficile, certam constituere maniae religiosae definitionem, quum id, quod a nobis insanum rejicitur, populis divinum et maxime expetendum adoraretur. Qui cum Deo colloquium habuisse se gloriatur, qui inde spi-

*) A medicis Francogallicis nomen monomaniac magis laudatur, quod re vera probabilius est; quum vero nomen maniac magis in Germania sit, ego quoque hanc vocem non mutavi.

ritu divino afflatus novum profert evangelium: cum medic sanare studet, antea idem sanctus est habitus, multique discipuli eum secuti. Quo politiores populi facti, quo magis ratio superstitionem ex animis expulit; eo magis formae maniae religiosae terribilis evanuerunt. Non tantum rationis populus inerat, ut imagines, sententias a fanaticis singulis furore vino correptis excogitatas, fictas et commentitias distinguere. Vi imitandi *), quae plurimum pollet ad animos excitandos inducti, homines ipsi decepti alios deceperunt.

Mania religiosa ex omnibus morbis mentis maxime pervestigandum allicit, quod morbos mentis ex moribus, conditionibus temporis, quae potissimum ad populos dirigendos valuerunt, pendere demonstrat. Non singuli sunt homines, mania religiosa laborantes, sed sunt conditiones temporis communes, quae apud singulos homines viva phantasia, informis opinio et cetera ad maniam praedispositos maniam gignant religiosa. Quod ex argumentatione de visionibus postea instituenda clarius apparebit, mania a religiosis meditationibus ipsis decedenda, si animus dulci cuidam in rebus sacris nimis indulget furori, et imaginatione obcoecatus ad spiritualismum evehitur. Opinionibus religiosis temporis conditionibus mutatis, mania quoque religiosa aliam prae se tulit speciem. Omnia autem quae ad hanc rem pertineant, explicare et ad vivum reserare non possum, quum totam historiam ecclesiasticam perlustrare necesse esset; sed summi mihi videtur esse momenti demonstrare, qua ratione mania religiosa ex Paganitate, Judaismo et religione Christiana sese conformaverit.

Mania religiosa neque antehac, neque nunc semper ulla existit complicatione. Apud foeminas, ubi mania religio-

*) Cf. Hecker, Die Tanzwuth, eine Volkskrankheit des Mittelalters, praecipue p. 63 — 80.

Ostlander, Entwicklungskrankheiten in den Blüthejahren des weiblichen Geschlechts. T. 1. p. 10.

propter magnam imaginationis vim saepe oritur, cum erotomania et nymphomania complicatur, et ab his morbis nonnunquam proficiscitur. Inter virgines monasticas maniae religiosae cum erotomania complicatae, nisi, quod quidem saepe facium est, voluptati libidinibusque incestis re vera iudulserunt, periculum semper imminuit. Hi morbi nunquam omnino in monasteriis non inveniebantur. Ad valde singularia phantasmata haec maniae species aegrotas commovit. Ita, ut ex multis exemplis unum eligam, Marie Alacoque († 1690) in corde Christi se habitare dixit, totas noctes „en colloques amoureux avec son bien aimé Jesus“ degit, suum cor cum corde Christi commutavit, ex quo tempore dolorem flagrantem in loco cordis sentiebat, ita ut inde cogereetur, venaesectiones nonaginta iussu Christi instituire, etc. *)

Scelera horrenda e mania religiosa nascuntur, si ambitio, si cupiditas dominandi cum furore religioso sese coniungit, Fanatismus homines bestiis crudeliores humanitateque omnino destitutos reddit. **) Multi ambitionem, quae sola eos ad fa-

*) Gregoire, Histoire des sectes religieuses. Paris 1814. Tom. I., p. 341. (Cordicoles). Cf. porro Osiander loc. cit.

**) Exemplum horrendum ex nostro tempore desumptum prostat in „Schwärmerische Gräuelszenen oder Krenzigungsgeschichten einer religiösen Schwärmerei in Wildenspuh Kantons Zürich, von Joh. Ludw. Meyer. Zweite Aufl. 1824. Aliud offert Riesewetter, Erfahrungseelenlehre, p. 362. Quum aliquando magister pagi cuiusdam negaret, etiam nunc in animis tantam inesse pietatem, ut Dei jussui, etiamsi, ut ab Abrahame, immolationem filiorum exposceret, parerent, pastor, qui valde pium sese duxit, ita incitatus est, ut pietatem suam facinore eximio confirmare consilium caperet. Idcirco suos tres filios convocavit et furore immani commotus securi duos filios cecidit. Tertius puer amatissimus flens genua patris crudelis amplexens, clementiam implorat. Nunc amenti illi seusus quasi redeunt, humanitatis extinctae seusus revocatur. Sed mox, quum diabolum actionem illam sanctam ar-

cinora impellebat, dissimulantes, religionem tantum praetendebant, ut sancti habiti, melius impuneque libidinibus sese darent. (Johann a Leyden, Boeckelt, Knipperdolling etc.) Multi suam personam gloria mactare voluerunt; religio gloriae aviditati optime satisfacit. Ita e. gr. Johannes a Rosenfeldt venator quidam a. 1763 Berolini proclamavit, se esse Messiam regem Borussiae diabolum; septem virgines puras in matrimonium duxit, ut ita septem sigilla, quibus coelum clausum, posset aperire. Per viginti annos seclatores habuit. *) Alium 1624 regnum mille annorum condidit, sed eodem anno jam combustus est. Aperte hi homines mente capti erant. **) Alii species maniae religiosae est Daemonomania, ubi homo dolores aut infortunium quoddam, quod perpessus est, a voluntate daemonis, i. e. potentiae ejusdam vim inimicam et perniciosam in vitam hominum exercentis deducit. Notum est, quae ratione terribili haec opinio, quae in captivitate Babylonica ab Judaeis accepta et inde in religionem Christianam translata est, per totum medium aevum efficax fuerit. ***) Morbus quisque, tempestas, calamitas subito imminens secundum populi opinionem a daemone profecta est. Etiam nunc, quum adhuc sat magna vulgi copia superstitione imbuta sit, haec maniae religiosae species frequenter occurrens, tanta vehementia animum corripit, ut effigiem diaboli homines saepe accurate

cere voluisse putaret, furore fanatico revertente etiam tertium necavit filium. Amens est judicatus. V. v. Wessenberg, über Schwärmerei. Heilbronn, 1835. p. 161.

*) Berlinische Monatsschrift 1783. Januar.

**) L'usage était partout de faire brûler par le feu des gens, qu'il eût suffi d'envoyer aux petites maisons. Tom. I. p. 287. Gregoire, Histoire des sectes etc.

***) Vid. Forst, Dämonomachie. Frankfurt am Main. 1818. Wierus de praestigiis daemonum, incantationibus et veneficiis. Basil. 1583.

ssime adumbrare possint. (Vid. Ideler, Grundriss der Sitten- und Lebensgeschichte, T. II. p. 481, cas. memorab.) Diabolus in corpore aegrotorum habitat, dolores vehementissimos efficiens, illos homines inde fascinans etc. etc. (Cas. mem. ap. Esquirol, übersetzt von Dr. Bernhard, T. I. p. 288.) Commemoranda etiam illa forma, ubi homines in bestias sese mutatos credunt; Lycanthropia et Cynanthropia, quae primum in Arabia nata, tum ad alias gentes transgressa medio aevo multos homines irretivit. (vid. Horst, Tom. II. S. 217. Von den wunderlichen Thierverwandlungen.) Nec multum ab hac specie abest melancholia religiosa, quae tristissimum praebet aspectum. Homines, qui jam antea in summis angustiis versati, consolationem ex religione haurire voluerunt, studio librorum sacrorum etiam profundius in dolores immerguntur, ita ut animum omnino abicientes, de hominibus, de se et de Dei misericordia funditus desperent. Scelera nunquam commissa excogitant, verbum quodque pronuntiatum crimen judicant horrendum. Nonnunquam nascitur melancholia religiosa certamine opinionum inter se dissidentium, ita ut animus anxietate dubitationis depressus diuturna, non amplius sui sit compos. Ita e. g. vidi hominem, qui ipse fidei catholicae addictus, uxorem evangelicam in matrimonium duxerat; aliis dubitationem et metum, ne hoc sit crimen, in eo moventibus, vir ille denique in melancholiam religiosam incidit. Ita mania religiosa saepe ab aliis animi perturbationibus ducit originem; frequenter etiam sine ulla complicatione observatur. Homines tum commercium cum aliis fugientes, a rebus gerendis sese abstinunt, ut animus rebus externis non perturbatus, consideratione tacita ad fastigium beatitudinis ascendere possit. Apud Indos, Chaldaeos et monachos, quorum numerus ingens primis saeculis p. Chr. n. in solitudinem sese recipiebat, haec ratio Dei venerandi inprimis exulta est. Sunt monachi apud Indos, qui per multas horas unum locum fixis oculis intuentur, ubi denique, quod quidem ex legibus opticis patet, lux alba, i. e.

secundum eorum opinionem Deus apparet. Torpentes hi homines res externas, frigus, tempestatem, immo ignem non senserunt.*) (Simeon stylites etc.)

Jam in omnibus maniae religiosae formis et speciebus visiones et hallucinationes oriuntur, quae tam arete cum mania religiosa ipsa cohaerent, ut totus morbus in his tantum saepe versari videatur. Quid valeant, qua ratione nascentur, nunc indagemus. De natura et forma maniae religiosae adjiceremus quaedam fuit necesse, quum unum symptoma morbi cujusdam nisi ex toto morbo perspicui et recte judicari non possit.

CAP. II.

QUID VALEANT HALLUCINATIONES.

Hallucinationes omnium sensuum morbis mentis symptoma commune et gravissimum quidem, quum, quamvis ex morbo ipso saepe nascentes, etiam ad morbum augendum plurimum valeant et eo, quod novam morbi causam constituent, morbi sanationem arceant perfectam. Quamdiu enim sensus recte et naturae convenienter percipiunt, aegroto in se ipso remedium quasi inest opiniones vanas et perversas propellendi, quum modus rectus constitutus sit, ex quo omnes cogitationes metiatur et ponderet. Omnes fere cogitationes nostrae perpetuo sensibus confirmantur, ad eorum normam sese dirigunt; evanescent vero et inanes, vanae nuncupantur, si a sensibus abhorrent. Quodsi vis sensuum judicii debilitata, immo sensus perturbati et alienati sunt, animus confusus tandiu haesitat, donec falsa intuitionem inductus, novam inde rationem cogitandi

*) Cf. Zimmermann, Ueber die Einsamkeit, T. II. p. 134. v. Wessenberg, Ueber Schwärmerei, p. 225 et sequ. Confer porro: Heinroth, Geschichte des Mysticismus. v. Böhlen, Das alte Indien mit besonderer Rücksicht auf Egypten. Königsberg, 1830. T. I.

bi producens, in maniam incidit. Re vera mania interdum a oritur, ut iudicium omnino integrum a sensibus aegris sensum corrumpatur. Plerumque vero hallucinationes ad morbum jam accedentes, novam confirmationem eamque tam certam ad opiniones jam excogitatas afferunt, ut aegrotus nunc re vituperationem aliorum refutare sibi videatur.

Hanc vim hallucinationes in omnibus mentis morbis exercent. Medicis omnibus est probatum, eos aegrotos, qui hallucinationibus cruciuntur, multo difficiliorem esse ad sanandum, quam alios. Nee alia res est in mania religiosa. Verum tamen hoc singulare est in mania religiosa, quod nullus esse casus observatur, ubi non hallucinationes ortae sint, quod et haec hallucinationes totius morbi naturam constituunt. Tum hallucinationes in mania religiosa speciem, ut ita dicam, lucis prae se ferunt; in aliis morbis, si hallucinationes adsunt, formae aegroti apparentes quasi diffluunt, ita ut certis finibus circumseribi nequeant. In mania vero religiosa tam clarae formae sese offerunt, ut manibus complecti eas aegroti possent, ut certam corporis formae imaginem delineare possent. Swedenborg per longum tempus commercium aretissimum cum angelis habuit, eorum domicilia visitavit etc. A. 1743 idem Swedenborg *) visionem habuit, ubi Deus, cujus formam accuratissime describit, apparuit, magna voce clamans ne edas tantum.“ Zimmermann **) de mirabilibus phantasmatibus narrat, quae monachos, quibus primis p. Chr. n. saeculis loca deserta in Asia scatebant, perpetuo circumdederint. Hieronymus refert, se a Deo ad iudicium accessitum interrogatum esse: Quis es? Christianus sum, respondit. „Mentiris, nam Ciceronem, paganum admiratus es. Hieronymus conscientia facinoris percussus, obmutuit et nunc ob culpam immanem

*) Responsum ad epistolam ab amico ad me scriptam. Londini, 1769.

**) Ueber Einsamkeit. T. II.

virgis caedebatur etc. In omnibus fere casibus hallucinationum in mania religiosa effigies summa expressa est perspicuitate.

Præcipue in mania religiosa sensus videndi (unde nomen visionum) et sensus audiendi hallucinationibus laborant. Animadvertisse mihi videor et ex illis casibus, quos hucusque observare mihi ipsi contigit, et ex casibus enarratis, eos homines, apud quos mania ex studio religionis ipsius enata, frequentius visionibus, interdum etiam hallucinationibus auditus cruciatos fuisse; in complicatione vero cum daemonomania, erotomania, nymphomania dolores vel alias sensationes saepius occurrere. Insigne et memoratu dignum hoc esse videtur, in mania religiosa, morbo potissimum ex animi ipsius perversa inclinatione nato, sensus nobilissimos ad animum cogitantem proxime accedentes inprimis affici. Ab auctore quopiam hancce quidem opinionem confirmatam non inveni.

In omnibus stadiis maniae religiosae hallucinationes accidunt; saepissime vero in stadio, quod appellant stad. irritationis, quum in hoc vis imaginandi maxime concitata sit. Postea rarius apparent. Aegrotos querentes audivi, se postea indignos factos esse, quibus Deus sese revelaret, postquam initio morbi visionibus a Deo ipso emanantibus gavisii sunt.

Jam antea in universum de difficili hallucinationum sanatione dixi, quod inprimis spectat ad maniam religiosam. Hallucinationes sensuum confirmationem afferentes, animo, quum Dei ipsius emanationes habeantur, tantam injiciunt superbiam, ut homo, qui Dei favorem et gratiam ita expertus est, res omnes terrestres nunc prorsus contemnat. Medicus, qui argumentis eum convincere studet, homo tantum, qui ex vinculis corporis nondum solutus, quem Deus nondum dignum aestimavit, quocum communicationem iniret. Idcirco animo obstinato et acerbo admonitiones omnes, quas, si sequerentur, a superiore illo dignitatis gradu ad inferiorem descendere deberent, rejiciunt, contemnunt et sensuum testimonio freti, novo

regno, ubi ipsi splendore cincti, evangelium novum pronuntiabant, desiderio summo praestolantur.

CAP. III

QUA RATIONE HALLUCINATIONES ORIANTUR *).

Jam operae pretium esse videtur sciscitari, unde visiones et hallucinationes in mania religiosa nascantur. Ad quam rem explicandam necesse me etiam breviter ad casus similes, ad rationem, qua hallucinationes in universum deducendae sint, respicere. Nascunturne ex sensibus perturbatis, an ex animo? Utrumque accidit. —

Nervus opticus, nervus acusticus, si afficitur et quaque ratione irritatur, reactionem eo demonstrat, quod lucem sentit, sonum percipit. Eo, quod affectionem animo, (qui semper ultima est causa **) omnium sensualium per-

*) Confer Esquirol, *Geisteskrankheiten*, übersetzt von Dr. Bernhardt. Ueber Hallucinationen p. 95—119.

Johannes Müller, *über phantastische Gesichtserscheinungen, physiologische Abhandlung*, Koblenz 1825. Ejusd. *Handb. der Physiologie*. Lib. V. Von den Sinnen. Nothwendige Vorbegriffe. Dann, *commentatio de paracusi seu de hallucinationibus auditus*. Berol. 1830. Quum visiones frequentissimae sensuum deceptiones in mania religiosa sint, atque exempla a sensu visus desumpta manifestissima, et argumentatione visiones saepius qua alias tangam hallucinationes, quarum ceteroquin explicatio prorsus eadem.

**) Cicero, certe omnino conditionum physiologicarum ignarus, verba profert ingeniosa: „Nos ne nunc quidem oculis cernimus ea, quae videmus; neque est enim ullus sensus in corpore, sed (ut non physici solum docent, verum etiam medici, qui ista aperta et patefacta viderunt) viae quasi quaedam sunt ad oculos, ad aures, ad nares a sede animi perforatae. Itaque saepe aut cogitatione, aut aliqua vi morbi impediti, apertis atque integris et oculis et

ceptionem nervus tradit, sensus visus et auditus oritur. Nervus affectus phantasiae et facultati cogitanti irritamentum est ad imagines producendas. Haec affectio nervorum seu a rebus externis, seu a causis internis proficisci potest. Res externae perpetuo hanc irritationem exerceant. Causae internae sunt e. g. congestiones versus cerebrum, encephalitis, meningitis, narcotica, compressio nervorum etc. Causis hisce internis intuitiones nascentes jam hallucinationes appellamus, quoniam causam earum originis plerumque nescimus.

Hallucinationes sunt symptoma cerebrale. Tunica nervea oculi ad eas producendas non necessaria. Baczko narrat, Dulongem auleten, qui primis vitae diebus sensum visus amiserit, interdum somno formas terribiles et distortas conspexisse. (Rudolphi, Physiologie T. 2. p. 283.) Esquirol in homine maniaco amaurotico visiones observavit; femina, apud quam in sectione nervos opticos usque ad chiasma atrophicos invenit, perpetuo visionibus vexabatur. Lineke (de fungo medullari Lips. 1840.) vidit in stadio inflammationis post bulbi extirpationem phantasmata luentia apparere. Quae exempla, quamvis singula, ob eam tamen causam gravia, quoniam demonstrant, causam ultimam hallucinationum in cerebro collocatam esse. Irritamenta vero sensuum rebus externis non adsunt; coecus ille auletes omnino sanus, nulla congestione, inflammatione interna laborans: itaque aliam explicationem petamus necesse.

auribus nec videmus, nec audimus; ut facile intelligi possit, animum et videre et audire, non eas partes, quae quasi fenestrae sint animi, quibus tamen sentire nihil queat mens, nisi id agat et adsit. Quid, quod eadem mente res dissimillimas comprehendimus, ut colorem, saporem, calorem, odorem, sonum? Quae nunquam quinque nuntiis animus cognosceret, nisi ad eum omnia referrentur, et is omnium iudex solus esset. Cicero, Tusculan. disputat. Lib. I. Cap. XX.

Ut sensus affecti irritamenta phantasiae ad imagines, pro-
cedas, ita etiam contrarium accidit; phantasia affecta sen-
s ad imagines cogit. Phantasia suam vitam degere, suas
res quasi innatas sequi potest, aut regitur a voluntate, a li-
beris. In omnibus his casibus hallucinationes nascuntur.

Vita illa propria phantasiae multis probatur exemplis.
Linné (Analytische Versuche über die Seelenkräfte. Bre-
men 1780. 2. T. p. 59) hominem novit, qui vigilans sine ex-
terna irritatione varias figuras virorum, foeminarum, avium
vidit; aedificia aedificabantur, ornabantur, denique oculis eva-
nerunt. Vir ille omnino sanus imagines hasce fictas bene
veris distinxit. Müller (loc. cit.) narrat, virum, de cujus
fide non dubitandum sit, quum ex societate quadam
novo jejunos reverteretur domum, in prato, per quod profe-
sus est, haud procul se ipsum pluries tegumentis, quibus di-
versis vitae temporibus usus erat, vestitum distincte conspe-
xisse. Huc et referendus est casus ille memorabilis et satis
curiosus Nicolaji bibliopolae*), atque illa phantasmata, quibus
Linné ipse fructus est, quorum singula vestigia sine dubio in
eodem homine accidere solent. Omnibus in hisce exemplis
phantasia a sensibus non pendens agit ex legibus suae natu-
rae propriis, sensus tantum instrumentum, quo phantasia suas
receptiones et intuitiones internas in medium proferat et ma-
nifestat.

Maxima est vis animi in his hominibus, ubi phantasia
liberitati inservit. Exstant vero singuli, rari quidem casus,
in quibus ratione omnino integra et non perturbata, clara luce, ex
claritate propria figurae exoptatae distincte adumbratae ap-
puerunt. Ita c. g. Cardanus vigilans re vera omnia conspe-
xit, quae conspiciere optavit; imagines ante oculos quasi sur-
surrexerunt et rursus evanuerunt**). Alius, quum in monasterii

*) Reil, Fieberlehre T. IV. p. 285.

**) Haller, Elementa physiologiae T. V. p. 537.

cujusdam ruinis ambularet, vehementer cupiens virginem vidu-
monasticam, subito foeminam nigro indutam vestimento ac-
dentem vidit *). Goethe narrat, se, si florem quendam s
animo finxerit, statim eum ob oculos versantem habuisse. Q
flos, quod ex vita propria phantasiae deducendum est, n
eandem formam retinuit, sed perpetuo sese et organica quide
ratione commutavit.

Similes casus cuique homini, apud quem phantasia m
omnino exstincta est, accidunt. Qui fervide concupiscit, r
desideratam saepe jam amplecti se credit. Qui e. g. ad
nientem quendam exspectat, jam longe, antequam ille re v
aggreditur, strepitum passuum accedentium, luceque obscu
ubi vis imaginationis major est, etiam formam advenientis a
madvertere putat. Hos casus ut explicemus, ad mutation
morbosas sensuum confugiamus necesse non est; sunt psychi
symptomata ex excitata phantasia enascentia. Verumtame
inter exempla Cardani, Goethii etc. et illa id intercedit, qu
in vita communi, etiamsi ex voluntate hallucinationes ep
modi exoriri videntur, animus tamen fere semper commot
metu, spe etc. perturbatus est, quoniam phantasia saepe t
serva libidinis cujusdam. Libidines enim tanta cum ve
mentia animum corripunt, ut omnium rerum externarum
liviscens, nihil aliud nisi rem optatam adipisci studeat, ratio
quae hanc agendi methodum non probandam esse monet, p
litur, atque evertitur. Ratione silente, phantasia non am
ligata suscitatur, libere ad alienas provincias vagatur, pro
teque imaginibus splendidis animi alienati spem inconsiderat
confirmat.

Forsitan quispiam dicat, me multum ultra rem mihi p
positam processisse, res quidem similes, sed ad commenta
nem de hallucinationibus in mania religiosa non apprime
tinentes tractantem. Oportebat me vero, usque ad hunc loc

*) Reil, Fieberlehre T. IV. p. 283.

plicationis progredi, quod nunc quaestio, qua ratione hallucinationes in mania religiosa explicandae sint, per se patet. Antea nondum attuli, hallucinationes ex sensuum morbis nascentes, raro tantum certam praese ferre speciem; apparentibus specie fulminum seu aliarum formarum diffluentium; surri non distincti audiuntur etc.; jam signum phantasiae mentis, si formae, lineae clarius adumbratae exhibentur. Apparete apparitio daemonum, quae per tota saecula animos hominum innumerabilium terruit, non epidemius morbus sensuum est, neque apparitio coeli aperti et angelorum, neque vox, quae disertis verbis dominationem aeternam proclamat, ex sensibus potest deduci. Quid est vero? Spero fore ut demonstrare mihi contingat, ex ipso animo nimis commoto et per turbato seu ecstasi seu metu, ex fervore divino, ex flagrante dei desiderio haec phantasmata gigni. Qua ratione igniculi, formae harum animi perturbationum et inde hallucinationum in mania religiosa e meditationibus religiosis evadente sita sunt, nunc investigemus.

Non nego, etiam sensuum morbum hallucinationem effigere posse, quae fortuito ad maniam religiosam adducat; sed erunt casus singuli. Si praeterea hallucinationes ratione minime integra a sensibus solis proficiscuntur, non verae habentur; quod si tamen fit, jam argumentum, mentem esse enatam. —

CAP. IV. *)

Is, qui rationis solius adminiculis religionem complecti solet, perpetuo inter varia consilia et dubitationes fluctuat.

*) Cf. Sdeler, Biographien Geisteskranker in ihrer psychologischen Entwicklung dargestellt. Berlin 1841. p. 176.

Deum esse ratiocinatione sola, argumentis a ratione sola excitatis, huc usque nondum demonstratum. Omnes demonstrationes hujus generis verisimiles esse possunt, sed nisi veritas quaedam interna ex animi cujusque sensu orta accedit, certitudine carent. Fides est ratione non fundata, quae religionis argumenta a judicio prolata confirmat. Quod si concessum, deductio hallucinationum et visionum ex ipsa religione non amplius difficilis. Fides enim religiosa cuique sua propria subjectiva, permittit unicuique systema religiosum proprium sibi struere; quod si perversum rationique non consentaneum, difficile est ad diruendum, quum res externae ad religionem non spectent, nec in his ullum remedium insit, falsas opiniones religiosas emendandi. Contemplatio quaeque et exploratio, ad quam religio nos adducit, responsum quodque ad quaestiones nostras, quod religio praebet, in provincias nos rapiunt; quae sensibus percipi non possunt, quas imaginatio latius assequitur, in provincias sublimes, splendoras, quae splendorem mentem sanam saepe obcoecant et a via recta ingredienda detrahunt. Quum vota illa sublimia a religionis proficiscentia, quo propius animus excitatus ad eventum accedere arbitretur, eo minus procedant, immo magis recedant, flagrantius semper fit desiderium. Fervor vero ardens animi prohibet, quominus omnino sui conscius res distincte perspicere, facit ut difficultate desideria adipiscendi non perturbatur, etiam ferventius in illas contemplationes sensibus non subjectas irruat, ut denique quasi illecebris contemplationum irritus aufugere nequeat. Sed natura omnes homines ita instituti sunt, ut e corporis vinculis omnino evolare non possint, etiamsi acies ingenii acerrima, cogitationes tamen nostras perpetuo res externae moderari debent; ab his materiam, argumentum animus depromit, ex quo et secundum quod cogitationes constituat. Itaque is quoque, qui meditationibus religiosis in illas provincias, quae sub sensibus non cadunt, abreptus est, cogitur imagines sibi fingere, hasque imagines mere puer

aticas formis terrestribus ad intuitionem sibi transferre, ne cogitationes in vaeuum sese dissolvant et penitus evanescant. Quae ratione hallucinationes in mania religiosa sine completionem naseuntur. Si animi quidam affectus alienus (Eidenhaft) praeterea adest, tum hallucinationes eertam prae se ferunt speciem, quod postea perquiram. Imaginatione magis grante, major etiam proclivitas ad hallucinationes. — Ex studio hominum illas intuitiones non corporeas sensuum judicio admovendi, multae ecrimoniae deducendae, quae nihil aliud significant, nisi cupiditatem symbolo quodam hominem Deo multiplicandi: ex quo studio orta simulacra, quibus perficiendis artifices omnium temporum summam navarunt operam. (H. v. Wessenberg*): Wenn man glaubte, die Religion auch durch sinnreiche Darstellungen befördern zu können, so geschah dieß nicht darum, weil sie selbst etwas Anschauliches ist, sondern weil es unserer Natur entspricht, durch Hülfe der Sinne die Vorstellungen unsers Gemüths zu verstärken.“ Summum jam acumen ingenii necessarium, ut unus opiniones suas religiosas formis omnino destitutas convehit; quo qui non fruitur, eerte imaginem, cum qua opinio connectit, animo suo infigit. Infantes saepenumero cum sub specie senis orbem terrarum manibus tenentem sibi vident. Primum is, qui loeo πνεύματος ejusdam imaginem constituit corpoream bene scit, hanc esse fictam; quam vero diutius intuetur, postremo eredet, eam vere existere. Ita (H. v. Wattenberg**): „Wer oft und lang über einer Lieblingsidee brütet, wird sie mit der Zeit für ebenso wahr, als der Erzähler seine Lüge, wenn er sie oft wiederholt hat. Hängt man dem Gedanken an, daß Gott sich durch Träume offenbare, so wird das Träumen zu einer solchen Fertigkeit, daß der Schwärmer auch mit offenen Augen träumt, ohne seine Erscheinungen für das zu halten,

*) Ueber Schwärmerei, p. 279.

**) Lebensbeschreibung von Gessner. 1802. II. 61. V. Wessenberg, p. 118.

was sie sind — für Träume. — Hallucinationes et visiones nil mirabile continent, si ex ipsa mania religiosa, ex libidinosa effrenata Dei consideratione prodeuntes ducimur. Furor divinus (religiöse Schwärmerei) in desiderio summo versatur, cum Deo commercium ineundi; anima aestuans Dei revelatione acriter exspectat; quid igitur mirum, si ex hoc desiderio vel mente forma certa re vera quasi prosilit, quum insuper natura religionis ipsius animus ad species mirificas, ad portenta jam praeparatus sit. — Quam vera sit haec explicatio, etiam ex historia operum a poetis et pictoribus perfectorum intelligimus. Notum est, Raphaëlem, jam per longum tempus consilium, qua ratione Madonna optime delineanda sit, animo vehementem, nocte subito e somno excitatum in conclavi virginis cum splendore coelesti ornatam conspexisse.*) (Leonardo Vinci, Tasso etc.) Longum est, alia asserre exempla. Hallucinationes et visiones apud hos viros eadem ratione explicandae sunt; sed id interest, quod eorum mens integra, quum mens sana ab imaginatione effrenata non perturbata, sed imaginatio a ratione custodita et coercita est, quod iis certum consilium propositum est, maniacy vero temere et inconsideratum infinitum capessunt.

Apud Graecos religio minus ad hallucinationes adduxa. Species certa Deorum colendorum erat constituta; Diis remotum ab hominibus abhorrentibus, sed propius ad homines ipsos accedentibus, animis ad hos pervestigandos abdita, condita et mystica ratione incitamentum non injiciebatur. Nunc tamen fugit me, oracula et mysteria, quae in Graecia celebrantur, etiam a veneratione mystica numinis ejusdam ignota sanctas praesagitiones et divinationes in animis movente, perfecta esse; sed populus certe hac, ut ita dicam, sensuali veneratione Deorum, qui ex ipso hominum coetu prodeuntes.

*) Wackenroder, Herzensergießungen eines Kunstliebenden zu seinem Bruder.

celsa facinora ad Olympum ascendebant, ab illo furore di-
no, qui saepe gignit hallucinationes, prohibitus est. Quae-
ro religio sensibus minus praebet, cui sese affligant, animum
cile ad divinationes obscuras allicit. Ita apud Neoplatoni-
s, apud Indos, qui immediate divinum intueri nitebantur, vi-
ones saepe apparuerunt. Sic quoque Wessenberg *): „Die
Mystiker ist unter den Reformirten bedeutend größer, als
ter Katholiken. Von allen sinnlichen Anschauungen sich abwen-
nd, hat die Phantasie mit um so größerer Begierde die innern
Anschauungen ergriffen, in welchen das Gemüth des Mystikers des
öttlichen theilhaftig zu werden glaubt. — Neque transeundum
e loco est silentio, jejunium, flagellationes et cruciatus cu-
vis generis plurimum ad phantasiam ferverefaciendam pol-
re. Animus quasi a vinculis corporis solvitur, si functiones
rporis vi minore evadunt. De vi autem solitudinis in ima-
es provocandas confer Zimmermann, qui ingeniosissime et
copiose hanc rem tractavit.

Ut igitur nunc brevi complectar, hallucinationes et visio-
s in mania religiosa oriuntur ex turbulenta animi exagita-
ne et desiderio, ex fontibus abditis istis, ad quos religio
a animum adduxit, scientiam et revelationem divinam hau-
ndi.

Spectemus jam diversa genera, complicationes maniae re-
iosae, num apud has quoque visiones et hallucinationes ex
a morbi natura prodeuntes sese praestent. Ut jam in ca-
e primo concessi, perturbatio animi, complicatio maniae re-
iosae saepe morbus est fundamentalis; quae primum spe-
ni tantum maniae religiosae prae se ferens, denique tam
ete cum hoc morbo copulatur, ut novum fere morbum con-
tuat. Hallucinationum et visionum etiam in complicatione
dem est explicatio.

Multos constat homines famae ejusmodi cupidos esse, ut

*) Ueber Schwärmerei, p. 279.

ob hanc solam caussam et flagitia horrenda et facinora ruculosa et valde singularia committant. Osiander*) casus fert multos, ubi puellae, apud quas hoc studium saepe observatur, sola cupidine nomen suum celebrandi inductae, dolorum vehementissimos perpessae sint. Nec minus constat, monachorum magnum numerum in solitudinem sese recepisse, non quod animo consideratione tacita ab hominum altercatione abstracti Deus ardentius coleretur, sed quo ambitioni soli, quum liberum ratione, etiamsi ignobili loco nati, nomen insigne facile adpropinquarent, inservirent. Idcirco mira et singulari ratione vitam degerunt, portenta fecerunt et quacunque ratione conspicuam sese reddere nisi sunt. Verum illud Goethianum: Nichts bringt uns dem Wahnsinn näher, als wenn wir uns vor Unde auszeichnen, wenn wir den Sonderling zu spielen uns bemühen. Nichts erhält so sehr den gemeinen Verstand, als im allgemeinen Sinne mit vielen Menschen zu leben**). Tales homines vanitas et ambitiosa cupiditate sese glorificandi, rationem omnino suppressantes, imaginationem ad tantum gradum incendere possunt, ut inde imagines, quae confirmationem sensualem afferrant, provocentur. Hallucinationes in hac specie morbi propriam induunt formam. Imagines gloriam excelsam praeferunt, voces audiuntur, quae hominem Messiam, Deum ipsum spiritum sanctum, verbum aeternum, archangelum etc. *** praedicant. Vidi hominem in nosocomio Caritatis affirmantem, se a Deo propter magnam vim fidei vocatum esse ad certamen aeternum inter Christum et diabolum dijudicandum, Christum contra diabolum adorientem defendendum. Frequenter hallucinationes hujus generis accidunt hominibus infirmis.

*) Vid. *Entwickelungsfrankheiten*.

**) *Wilhelm Meisters Lehrjahre*.

***) c. g. 1614 Ezechiel Meden in Thuringia sese verbum aeternum aut archangelum appellavit. Multos sectatores habuit. (*Grangoire, histoire des sectes religieuses*. Tom. I. p. 286.)

loco natis, quibus, quum studium insit flagrans, altiore gradum dignitatis assequendi, sed non satis scientiae, conditiones vitae diversas recte discernendi imaginatio unicum fere remedium huic nisui satisfaciendi. Ad religionem vero praecipue hoc studium transferunt, quum in ea, a nemine perturbati, novum orbem terrarum sibi condere possint.

Facile etiam in mania religiosa cum melancholia complicata, seu ex ea proficiscente, hallucinationes explicantur. Homines in rebus adversis versantes et ita depressi, ut omnem fere spem abjiciant, ad religionem se convertunt, ut inde solatium depromant animumque erigant. Ob eam causam ferventes religionem complectentes, revelationes, imagines quasi compensationes infortunii, quod toleraverunt, considerant. Animus spe, solatio eget; itaque res, conditiones sibi quaerunt, quae solatium afferant; quae quidem quum vere non inveniantur, ab imaginatione excogitantur. Eo pertinacius infelix his imaginibus, quac sortem pollicentur meliorem, nititur, quò majores antea vitae conditiones. Apud eos, qui etiam de religione desperant, origo imaginum a perpetuo metu deducenda est. Quid mirandum, si homines, qui scelera horrenda nunquam commissa sibi fingunt, perpetuo angore cruciati, supplicium nunc subire se putent, si imaginatio ad summum gradum excitata rationem sanam perturbet imaginesque producat. Summi momenti in hac specie morbi ad imagines procreandas est vis superstitionis, quae totum orbem terrarum daemonibus confertum constituit. Cui jam persuasum est, diabolum vere existere et perpetuo vim in hominum vitam exercere inimicam, is animo metu perturbato, facile diabolum apparentem videbit. Qui omnino eundem existere infitiatur, nunquam eum adspiciet. Quanta sit vis superstitionis, apud Lutherum optime intelligimus. Longum foret, quum mihi tantum de visionibus in mania religiosa disputare proposuerim, plura de daemomania asferre. Si daemones, mortui manticis incantationibus provocati, vere e tartaro procedere visi sunt,

et metus et voluntatis vis in phantasiam spectanda est (vid. cap. III.).

Etiam in erotomania et nymphomania cum mania religiosa visiones et hallucinationes eodem modo explanantur *). Janamans quisque infelicitate, quum hominem amatum complecti nequeat, impellitur, imagines quidem sibi formare, quibuscum commercium vere refutatum ineat. Imaginatio vero fervens saepe obliviscitur omnino, se a rebus sensualibus abhorreret nullum adesse concentum rerum externarum cum imaginibus fictis; imagines, quas omnibus ornamentis decorat, splendorem cingit, personam quasi induunt divinam et sancta coluntur veneratione. Hac commutatione rerum humanarum cum rebus divinis valde singularis species morbi oritur (vide Osiander, *Entwickelungsfrankheiten*). Multae monachae perpetuo cum sensu amoris et voluptatis cuique homini insito et interdicto magis incenso dimicaverunt; in religiosis meditationibus amanti secedere licuit; fervor amoris et voluptatis ad religionem translatus est. Ita Zimmermann**): Die mystischen Nonnen hatten zärtliche und gefühlvolle Herzen; aus Mangel eines Liebeshandels auf Erden geriethen sie in einen Liebeshandel mit dem Himmel. Dies machte sie zaunlos, vermehrte ihre Innbrunst und so folgte Irrreden der Andacht. Pariter monachi perpetuo fere incestisimis imaginibus cruciabantur; quo magis tormentis exquisitis sen-

*) Si homines voluptate triti sunt, facultates rationales animi supprimuntur et phantasia principatum tenet. Ex sensu infirmitatis et peccati commissi saepe oritur inclinatio ad religionem, nec raro apud homines tam debiles et enervatos hallucinationes existere possunt.

Anna Leese, quae congregationem shekers or shaking-quakers constituit, meretrix fuerat. Gregoire, *hist. des sect. rel.* Tom. I. p. 172. Cf. insuper Parent-Duchatelet. *De la prostitution à Paris.*

**) Ueber die Einsamkeit, Cap. VII. et sequ.

sum voluptatis radicitus extirpare conarentur, eo vehementius et suavius stimulus voluptatisque titillatio eos pelliciebat; aervae puellarum eos circumdabant, ad voluptatem explendam invitantes. (Hieronymus, Pachomius.) Verum tamen monachi illi bene has incestas imagines et religionem distinguebant; apud foeminas magis illum mysticum Christi amorem invenimus. (Cf. Jdeler, Seelenheilkunde. T. II. p. 490.)

Ad explicandas visiones ejusmodi, quae nonnunquam certe toto coelo a cogitationibus virorum sanctorum, re vera Deum colentium abhorruerunt, discrimen et disharmoniam animo nostro innatam magni arbitror esse momenti; illam dico inclinationem animi, quae homines interdum eogit invitos res discrepantes connectere, quae cogitationibus sublimibus, sanctis ideas contrarias, incestas, turpes immisceat. Aegroti saepe queruntur, se coelos esse convicia exclamare; condiciones similes quisque attento animo in se ipso observare potest.

Ego has diversas animi perturbationes et libidines dividere et sejunctim traelare conatus sum; sed bene scio, hoc vere non semper fieri: una quidem perturbatio saepe alteram suscitatur, in alteram quasi redundat. Explicatio tamen semper eadem, non pendens ex theoria arguta et spinosa morbi cujusdam corporei. Quam graves fiant visiones, si verae habentur, enarratio rerum docet. Spectandum est, eas nil mirabile continere, quippe ex religione ipsa prodeunt; vita animi propria innumerabiles condiciones similes nobis ostendit. Neque meluo, ne, quum ex vita artificum, ex vita cujusque hominis casus similes petierim, multum a mea sententia viri docti abhorreant. Verbis autem a Joanne Müller prolatis concludere mihi liceat *): „Was bei dem Unbefangenen das Eigenleben der Sinnlichkeit, das Spiel einer dichtenden Phantasie, was allen Menschen im Traume nicht mehr wunderbar erscheint, wird in der Geschichte verflucht und verehrt nach der Natur seiner Objekte. Das

*) Phantastische Gesichtserscheinungen, p. 69. §. 124.

Gespensst und die Dämonen aller Zeiten, die göttliche Vision der
Äsceten, die Geistererscheinung des Magikers, das Traumobject und
die Phantasiebilder der Irren und Fiebernden sind ein und dieselbe
Erscheinung. Nur der Gegenstand ist verschieden nach der Richtung
einer excentrischen Phantasie; eine göttliche Vision dem religiösen
Schwärmer, dem Furchtsamen ein furchtbares Phantasma, dem träu-
menden Egomont die Erscheinung der Freiheit, dem Künstler ein
himmlisches Idol, nach dem er längst gerungen. Der Zeitgeist leiht
diesem plastischen Einbilden andre Objecte.“

V I T A.

Natus sum Rudolphus Leubuscher Vratislaviae die XII. Dec. anni h. s. XXI. patre Augusto, matre Amalia gente Schück, quos ut Deus per diu mihi servet quod die precor. Judaeus sum. Primis literarum elementis domi imbutus novem annos natus gymnasium adii Fridericianum regium et tum Magdalenaenum, ubi ab egregiis praeceptoribus Direct. Schoenborn, Pror. Dr. Klossmann, Prof. de Glocker, Koecher, Dr. Lilie, quorum maxime de me meritorum memoriam nunquam deponam, in literis eruditus sum. Maturitatis testimonio ornatus, mense Aprili anni h. s. XL. almam universitatem literarum Vratislaviensem adii et ab Ill. Hahn, penes quem tunc fascies erant, inter cives academicos receptus, apud Ill. Henschel t. t. decanum ordinis medici nomen dedi. Ibi per tria semestria hisce interfui cholis: Ill. Braniss de logica et psychologia, Ill. Pohl de physica universa, Ill. Nees ab Esenbeck de botanice

generali ac speciali, Ill. Goeppert de plantis officinalibus, idem vir ill. dux mihi erat in botanicis excursionibus. Ill. Fischer de chemia generali et pharmaceutica, Ill. Gravenhorst de zoologia, Ill. de Glocker de mineralogia, Ill. Henschel de encyclopaedia medica et de pathologia, Ill. Purkinje de physiologia experimentis illustrata, Ill. Benedict de instrumentis chirurgicis et fasciis rite applicandis, Ill. Barkow de osteologia et anatomia comparata, Ill. Otto de anatome corporis humani universa, de historia foetus, Ill. Hoffmann a Fallersleben de literatura medii aevi. In theatro anatomico Ill. Otto dux mihi erat.

Anno h. s. XLI. incunte Sept. Berolinum me contuli et in hac literarum universitate ab Ill. Dieterici t. t. rectore magnifico civibus academicis adscriptus, apud Ill. Jüngken t. t. decanum medicorum ordinis maxime spectabilem nomen dedi. Per quinque semestria hisce interfui scholis: Ill. Ehrenberg de infusoriis, Cel. Mitscherlich de materia medica, Exper. Isensee de auscultatione et de morbis cutis, Exp. Troschel de chirurgia, Cel. Ideler de morbis mentis, de anthropologia ac de diaetetice, Cel. Kluge et Froriep de acinrgia, Exp. Dann de therapia generali, Ill. Müller de anatomia pathologica, Ill. de Schelling de introductione in philosophiam revelationis, Exp. Mundt de philosophia literaturae.

In clinicis duces mihi fuerunt Ill. Jüngken, Busch. Dieffenbach, Wagner, Cel. Wolff, Romberg, Triestedt. Kluge, Ideler.

Quibus omnibus viris illustrissimis, celeberrimis,
experientissimis optime de me meritis gratias ago sem-
perque habebo, quas possum maximas.

Jam vero tentaminibus et philosophico et medico
nec non examine riguroso rite absolutis spero fore, ut,
dissertatione thesibusque defensis, summi in medicina
et chirurgia honores in me conferantur.

THESES DEFENDENDAE.

- 1) Hallucinationes in maniacis plerumque non a sensualium organorum morbis proficiscuntur.
- 2) Deformatas foetus singulari, quem mater perpessa est, adspectui respondens non est.
- 3) Non certum discrimen inter miasma et contagium.
- 4) Mania furibunda venaesectionem contraindicat.
- 5) Est mania sine delirio.
- 6) Febris nihil aliud, nisi affectio systematis nervosi.
- 7) Crepitatio non signum pathognomonicum pneumoniae.
- 8) Quamdiu mutationes in corpore humano morte effectae nondum satis notae sint, anatomiae pathologicae provincia satis circumscripta.



NARROW GUTTERS

(1-2 CHARACTERS

LOST ON

SEVERAL PAGES)